

**Iliuusissanut takussutissiaq ilitersuutaasoq**

Ilanngussani tulliuttuni killilersuilluni iliuusissanut nalunaarummi matumani atuutsinneqalersunut takussutissiat allattoreqarput.

**Belarus-imi pissutsit aammalu Belarus-ip Ruslandip Ukraine-mut saassussinerani akuunera, tunngavigalugit killilersuilluni iliuusissat pillugit Siunnersuisooqatigiit peqqussutaat (EF) Nr 765/2006, 18. maj 2006-imeersoq**

**Sakkunik avammut annissuineq**

- Sakkunik aamma atortussanik taakkununga attuumassuteqartunik Belarus-imut avammut annissuineq inerteqqutaavoq. Teknikkikkut imaluunniit aningaasaqarnikkut ikiuunnerit kiffartuussinerillu attuumassuteqartut aamma inerteqqutigineqarput.

**Pigisanik nalilinnik tigusinnaajunnaarsitsineq aamma aningaasanik atugassiinissap inerteqqutigineqarnera**

- Pigisat nalillit tamarmik inunnut immikkoortortanullu allassimasunut tigusiffigeqqusaajunnaarsinneqartariaqarput. Aamma aningaasanik imaluunniit pigisanik nalilinnik toqqaannartumik imaluunniit toqqaannangitsumik taakkununga atugassiinissaq inerteqqutaavoq.

**Nioqqutissanik marloqiusamik atuuffilinnik (dual-use) eqqusseqqusinnginneq**

- Nioqqutissat aamma teknogiit marloqiusamik atuuffillit Belarus-imut tuniniarnissaat, pilersuutiginnissaat, nuunneqarnissaat imaluunniit avammut nioqqutiginissaat inerteqqutigineqarput. Aamma nioqqutissat aamma teknogiit Belarus-imi sakkutooqarnikkut teknologiikkullu pitsanngorsaataasinnaasut imaluunniit tassani illersornissamat sillimaniarnermullu suliassaqarfinnik, peqqussummut (EF) 765/2006-imut ilanngussaq Va-mi allassimasunik, ineriartortitsinissamat iluaqutaasinnaasut, Belarus-imut tuniniarnissaat, pilersuutiginnissaat, nuunneqarnissaat imaluunniit avammut nioqqutiginissaat inerteqqutigineqarput. Teknikkikkut imaluunniit aningaasaqarnikkut ikiuunnerit isumaqatigiissitsiniarnerillu suliaqarnerit imaluunniit allanik kiffartuussinerit attuumassuteqartut aamma inerteqqutigineqarput.

**Aningaasaqarnikkut iliuusissat**

- Sillimatinik aqutsinermut atatillugu kiisalu Belarus-imi qitiusumi aningaaserivimmi pigisanik nalilinnik nuussinerit inerteqqutigineqarput.
- Ulloq 20.03.2022 aallarnerfigalugu immikkoortortanut peqqussummut (EF) 765/2006-imut ilanngussaq XV-mi allassimasunut imaluunniit immikkoortortanut, pigisanut aalaakkaasunut pisinnaatitaaffiisa 50 %-iinit annertunerisut immikkoortortap ilanngussaq XV-mi allassimasup piginnittuuffigalugit, Belarus-imi ingerlatsilersimasunut arlaannaannulluunniit, aningaasaqarnikkut nalunaaruteqartarnernut kiffartuussinerit immikkut ilisimasaqarfiussanik pilersuineq inerteqqutaavoq.

- Aningaasanik pappiaqqanik naalagaaffiup ilaasortaasup pisortatigoortumik aningaasaanni nalilinnik Belarus-imut imaluunniit Belarus-imi inunnut imaluunniit immikkoortortanut arlaannaannulluunniit tunisinissaq, pilersuinissaq, nuussinissaq imaluunniit avammut annissinissaq inerteqqutaapput, ilanngullugit naalakkersuisut aamma Belarus-ip qitiusumi aningaaseriviani, imaluunniit Belarus-imi atugassatut.
- Pappiaqqanik nalilinnik naalagaaffiup ilaasortaasup pisortatigoortumik aningaasaanni naleqartunik tunineqarsinnaasunik 12.04.2022 kingorna tunniunneqarsimasunik imaluunniit ataatsimoorluni aningaasaliinernut suliffeqarfinni piginneqataassutinik, pappiaqqanik nalilinnut taamaattunut sunniisartunik, Belarus-imi naalagaaffimmi innuttaasumut imaluunniit inummut Belarus-imi najugaqartumut imaluunniit immikkoortortat Belarus-imi ingerlatsilersimasut arlaannulluunniit, tunisinissaq inerteqqutaavoq.
- Peqatigiit pappiaqqanut nalilinnut sullissiviisa 12.04.2022 kingorna peqqussummut (EU) 909/2014-imut ilanngussami nassuiarneqartutut kiffartuussinernik Belarus-imi naalagaaffimmi innuttaasumut imaluunniit inummut Belarus-imi najugaqartumut kimulluunniit imaluunniit immikkoortortat Belarus-imi ingerlatsilersimasut arlaannaannulluunniit, pilersuinissaat inerteqqutigineqarpoq.
- Belarus-imut, tassani naalakkersuisunut, tassani pisortani oqartussanut, ingerlatseqatigiiffinnut imaluunniit sullissivinnut; imaluunniit akiitsortitsisarfinnut imaluunniit sullissivinnut allanut anginerusunut Belarus-imi ingerlatsisunut peqqussummut (EF) 765/2006-imut ilanngussaq IX-imi allassimasutut 50 % sinnerlugu pisortanit pigineqartunut; imaluunniit immikkoortortamut EU-p avataani ingerlatsilersimasumut, kisianni immikkoortortat siuliani taaneqartut 50 %-iinit annertunerusunut pigineqartunut; imaluunniit inuit imaluunniit immikkoortortat, immikkoortortaq taamaattoq sinnerlugu imaluunniit tassannga suliakkerneqarluni iliuseqartut, arlaannalluunniit, ullut 90-it sinnerlugit akilersorneqartussanik nutaanik taarsigassarsititsinissaq imaluunniit akiitsortitsinissaq; imaluunniit pappiaqqanik nalilinnik tuniniarneqarsinnaasunik aamma aningaasanut niuerfimmi periaasissanik ullut 90-it sinnerlugit akilersorneqartussanik pisinissaq, tuniniaanissaq, tunniussinissamut aningaasaliinernut sullissinernik pilersuinissaq imaluunniit ikiuunnissaq, imaluunniit suliaqarnissaq inerteqqutigineqarput.
- Belarus-imut, tassani naalakkersuisunut, tassani pisortani oqartussanut, ingerlatseqatigiiffinnut imaluunniit sullissivinnut; imaluunniit inunnut, immikkoortortanut imaluunniit oqartussanut immikkoortortaq taamaattoq sinnerlugu imaluunniit tassanngaanniit suliakkiineq malillugu iliuseqartunut sillimasiititsinerit imaluunniit sillimasiititseqqinnerit inerteqqutaapput.
- Isumaqatigiissutit pioreersut Belarus-ip imaluunniit tassani pisortani oqartussap arlaataluunniit aamma EIB-ip akornanni isumaqatigiissutigineqartut naapertorlugit imaluunniit taakkununga atatillugu suniluunniit tunniussinissaq imaluunniit akiliinissaq Den Europæiske Investeringsbank-ip (EIB) inerteqqutigaa.
- Inuup imaluunniit immikkoortortap aallarniutissatut akiliutissaata ataatsimut katillugu nalinga kreditinstitut-imi ataatsimi 100 000 EUR-iniit annertunerusimappat, Belarus-

imi naalagaaffimmi innuttaasut imaluunniit inuit Belarus-imi najugaqartut, imaluunniit immikkoortortat Belarus-imi ingerlatsilersimasut aallarniutissatut akiliutissaata akuersaarnissaa inerteqqutigineqarpoq.

- Belarus-imut pisortat aningaasalersuinissaat imaluunniit niuernermit aningaasaqarnikkut Belarus-imut ikiuunnissaat imaluunniit aningaasaliinissaat inerteqqutigineqarpoq.
- Niuerfinni pappiaqqanut nalilinnut tunineqarsinnaasunut Peqatigiinni nalunaarsorsimasuni imaluunniit akuerisaasuni inummut kimulluunniit imaluunniit immikkoortortat Belarus-imi ingerlatsilersimasut aammalu 50 % sinnerlugu pisortanit pigineqartut arlaannaannulluunniit kiffartuussinernik nalunaarsuinissaq pilersuinissarlu 12.04.2022 aallarnerfigalugu inerteqqutigineqarpoq.

### **Timmisartut, mittarfiit, silaannakkut angallatit**

- Silaannakkut angallatip suulluunniit Belarus-imi silaannakkut angallannermit ingerlatseqatigiiffimmit ingerlanneqartup Peqatigiit sumiiffiannit qangattarnissaa, tassani minnissaa imaluunniit qulaavaanissaa inerteqqutigineqarpoq.

### **Aqqusinikkut assartuineq**

- Aqqusinikkut assartuinermit suliffeqarfiit Belarus-imi ingerlatsilersimasut arlaannaataluunniit Peqatigiit iluanni aqqusinikkut nioqqutissanik assartuinissaat, ilanngullugu aqqusaaginnarluni, inerteqqutigineqarpoq.

### **Isernissamat killilersuinerit**

- Naalagaaffiit ilaasortaasut inunnut Siunnersuisooqatigiit aalajangiinerannut 2012/642/FUSP-imut ilanngussami allassimasunut angalanissamat killilersuinerit atuutsissavaat.

### **Atortunut akunnerminni naqisimanninnermit atorneqartunut killilersuinerit**

- Atortunik akunnerminni naqisimanninnissamat atorneqarsinnaasunik Belarus-imut avammut annissinissaq inerteqqutigineqarpoq. Teknikkikkut imaluunniit aningaasaqarnikkut ikiuunnerit kiffartuussinerrillu attuumassuteqartut aamma inerteqqutigineqarput. (a) sisorarluni ingeriarnermut aallaasinut, imassanut umerutissanullu aamma (b) timersornermi aallaasinut sullukitsunut, timersornermi illuinnarsiutinut sullukitsunut imassanullu immikkut tunngavissarititaasut tunngavigalugit ilaatinneqanngitsoqarpoq

### **Cementi**

- Peqqussummut (EF) 765/2006-imut ilanngussaq XI-mi allassimasutut cementinik tunisassianik Belarus-imiit eqqussuinissaq, pisinissaq imaluunniit nuussinissaq inerteqqutigineqarpoq. Teknikkikkut imaluunniit aningaasaqarnikkut ikiuunnissaq aamma isumaqatigiissitsiniarnermi kiffartuussinerrit attuumassuteqartut aamma inerteqqutigineqarput.

### **Savimernit aamma sisaat**

- Peqqussummut (EF) 765/2006-imut ilanngussaq XII-imi allassimasutut saviminernik sisannillu tunisassianik Belarus-imiit eqqussinissaq, pisinissaq imaluunniit nuussinissaq inerteqqutigineqarput. Teknikkikkut imaluunniit aningaasaqarnikkut ikiuunnerit aamma isumaqatigiissitsiniarluni sullissinerit attuumassuteqartut aamma inerteqqutigineqarput.

### **Maskiinat aamma atortut innaallagiamoortut**

- Maskiinanik, peqqussummut (EF) 765/2006-imut ilanngussaq XIV-imi allassimasunik, Belarus-imi inuit imaluunniit immikkoortortat arlaannaannulluunniit imaluunniit Belarus-imi atugassatut tuniniaanissaq, pilersuinissaq, nuussinissaq imaluunniit avammut annissuinissaq inerteqqutigineqarput. Teknikkikkut imaluunniit aningaasalersuinikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqqutigineqarput.

### **Aatsitassanit tunisassiat**

- Peqqussummut (EF) 765/2006-imut ilanngussaq VII-imi allassimasutut aatsitassanit tunisassianik Belarus-imiit eqqussinissaq, pisinissaq imaluunniit nuussinissaq inerteqqutigineqarput. Teknikkikkut imaluunniit aningaasalersuinikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqqutigineqarput.

### **Kaliumchlorid**

- Peqqussummut (EF) 765/2006-imut ilanngussaq VIII-mi allassimasutut kaliumchlorid-init tunisassianik (“kali”) Belarus-imiit eqqussinissaq, pisinissaq imaluunniit nuussinissaq inerteqqutigineqarput.

### **Gummi**

- Peqqussummut (EF) 765/2006-imut ilanngussaq XIII-mi allassimasutut gumminit tunisassianik Belarus-imiit eqqussinissaq, pisinissaq imaluunniit nuussinissaq inerteqqutigineqarput. Teknikkikkut imaluunniit aningaasaqarnikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqqutigineqarput.

### **Nalunaarasuartaateqarnermut atortut**

- Atortunik, teknologiinik imaluunniit software-nik pingaartumik Belarus-imi aqutsisut peqqussummut (EF) 765/2006-imut ilanngussaq IV-mi allassimasutut Belarus-imi oqarasuaatini angallattakkani imaluunniit oqarasuaatini nalinginnaasuni internet-imik nalunaarasuartaatitigullu attaveqaqatigiinnermik alapernaarsuineranni imaluunniit naalaarneranni atornerqartussatut naatsorsuunneqartunik tuniniaanissaq, pilersuinissaq, nuussinissaq imaluunniit avammut annissinissaq inerteqqutigineqarput. Aamma

nalunaarasuartaatitigut attaveqatigiinnermik imaluunniit akunnerminni  
alapernaarsuinnermik imaluunniit naalaarnermik tassungalu atasumik  
aningaasalersuinnikkut teknikkikkullu ikiuunnermik sullissinissaq  
inerteqqutigineqarpoq.

### **Tupa**

- Peqqussummut (EF) 765/2006-imut ilanngussaq VI-imi allassimasutut nioqqutissanik Belarus-imi tupanik nioqqutissanik tunisassiornissamut imaluunniit sananissamut atorneqartussanik tuniniaanissaq, pilersuinissaq, nuussinissaq imaluunniit avammut annissuinissaq inerteqqutigineqarput.

### **Qisuit**

- Peqqussummut (EF) 765/2006-imut ilanngussaq X-mi allassimasutut qisunnit tunisassianik Belarus-imeersunik eqqussinissaq, pisinissaq imaluunniit nuussinissaq inerteqqutigineqarput. Teknikkikkut imaluunniit aningaasaqarnikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqqutigineqarput.

**Ruslandip iliusai, Ukraine-mi pissutsinik allanngorartitsilersut, tunngavigalugit killilersuilluni iliuusissat pillugit Siunnersuisooqatigiit peqqussutaat (EU) nr. 833/2014, 31. juli 2014-imeersoq**

**Sakkunik avammut annissuineq**

- Sakkunik aamma atortussanik taakkununga attuumassuteqartunik Ruslandimut avammut annissuineq inerteqqutaavoq. Teknikkikkut imaluunniit aningaasaqarnikkut ikiunnerit kiffartuussinerillu attuumassuteqartut aamma inerteqqutigineqarput.

**Sakkunik eqqussuineq**

- Sakkunik aamma atortussiassanik attuumassuteqartunik Ruslandimeersunik eqqussinissaq, pisinissaq imaluunniit assartuinissaq inerteqqutigineqarput.

**Nioqqutissanik marloqiusanik atuuffilinnik (dual-use) avammut nioqquteqarneq**

- Nioqqutissanik teknologinillu marloqiusanik atuuffilinnik Ruslandimi inummut imaluunniit immikkoortortamut imaluunniit Ruslandimi atugassatut tuniniaanissaq, pilersuinissaq, nuussinissaq imaluunniit avammut annissuineq inerteqqutigineqarput. Nioqqutissanik teknologinillu marloqiusanik atuuffilinnik, peqqussummut (EU) 833/2014-imut ilanngussaq VII-imi allassimasutut Ruslandimi sakkutooqarnikkut teknologiikkullu pitsanngorsaaqataasinnaasunik imaluunniit illersornissamut sillimaniarnermullu suliaasaqarfimmi ineriartortitseqataasinnaasunik, tuniniaanissaq, pilersuinissaq, nuussinissaq imaluunniit avammut annissuineq aamma inerteqqutigineqarput. Teknikkikkut imaluunniit aningaasaqarnikkut ikiunnerit isumaqatigiissitsiniarnerinillu suliaqarnerit imaluunniit allanik kiffartuussinerit attuumassuteqartut aamma inerteqqutigineqarput.

**Aningaasaqarnikkut iliuusissat**

- Pappiaqqanik nalilinnik tunineqarsinnaasunik aamma aningaasanik niuerfimmi periaatsinik ullunit 30-nit sivisunerusumik akilersorneqartussanik, 12.9.2014 kingorna 12.4.2022-mut tunniunneqarsimasunik imaluunniit pappiaqqanik nalilinnik tunineqarsinnaasussanik aamma aningaasanik niuerfimmi periaatsinik 12.4.2022 kingorna peqqussummut (EU) 833/2014-imut ilanngussaq V-imi allassimasutut immikkoortortamit Ruslandimi ingerlatsilersimasumit, sakkutooqarnermut atortunik imaluunniit kiffartuussinernik ilusilersuinerinik, tunisassiornerinik, tuniniaanernik imaluunniit avammut nioqquteqarnerinik suliaqartumit; imaluunniit immikkoortortamit Ruslandimi ingerlatsilersimasumit, peqqussummut (EU) 833/2014-imut ilanngussaq VI-imi allassimasumit, tunniunneqarsimasunik pisinissaq, tuniniaanissaq, tunniussinerimut imaluunniit allatut niuernerimut aningaasaliinerimut kiffartuussinissaq imaluunniit ikiunnissaq inerteqqutigineqarput.

- Ruslandimi naalagaaffimmi innuttaasunut imaluunniit inunnut Ruslandimi najugaqartunut aamma immikkoortortanut Ruslandimi ingerlatsilersimasunut tatigineqarnissamut kiffartuussinernik pilersuinissaq inerteqqutigineqarpoq.
- Ruslandimi naalagaaffimmi innuttaasut imaluunniit immikkoortortat Ruslandimi ingerlatsilersimasut Peqatigiinni pisinissamut isumaqatigiissutini peqataanissaat inerteqqutigineqarpoq.
- Ruslandimi naalagaaffimmi innuttaasumut imaluunniit inummut Ruslandimi najugaqartumut imaluunniit immikkoortortamut Ruslandimi ingerlatsilersimasumut akiitsortitsinissamut nalilersuineranut kiffartuussinernik pilersuinissaq aamma akiitsortitsinissamut nalilersuineramik suliaqarnernut atatillugu pisartagaqalernissamut kiffartuussinernut periarfissaqartitsinissaq inerteqqutigineqarput.
- Aningaasanik pappiaqqanik naalagaaffiup ilaasortaasup pisortatigoortumik aningaasaanni nalilinnik Ruslandimut imaluunniit Ruslandimi inunnut imaluunniit immikkoortortanut arlaannaannulluunniit tunisinissaq, pilersuinissaq, nuussinissaq imaluunniit avammut annissinissaq inerteqqutaapput, ilanngullugit naalackersuisut aamma Ruslandip qitiusumi aningaaseriviani, imaluunniit Ruslandimi atugassatut.
- Ulloq 12.3.2022 aallarnerfigalugu immikkoortortanut peqqussummut (EU) 833/2014-imut ilanngussaq XIV-mi allassimasunut imaluunniit immikkoortortanut, pigisanut aalaakkaasunut pisinnaatitaaffiisa 50 %-iinit annertunerusut immikkoortortap ilanngussaq XIV-mi allassimasup piginnittuuffigalugit, Ruslandimi ingerlatsilersimasunut arlaannaannulluunniit, aningaasaqarnikkut nalunaaruteqartarnernut kiffartuussinernik immikkut ilisimasaqarfiusussanik pilersuinissaq inerteqqutaavoq.
- Pappiaqqanik nalilinnik naalagaaffiup ilaasortaasup pisortatigoortumik aningaasaanni naleqartunik tunineqarsinnaasunik 12.04.2022 kingorna tunniunneqarsimasunik Ruslandimi naalagaaffimmi innuttaasumut imaluunniit inummut Ruslandimi najugaqartumut imaluunniit immikkoortortamut Ruslandimi ingerlatsilersimasumut tunisinissaq inerteqqutaavoq.
- Peqatigiit pappiaqqanut nalilinnut sullissiviisa 12.04.2022 kingorna peqqussummut (EU) 909/2014-imut ilanngussami nassuiarneqartutut kiffartuussinernik Ruslandimi naalagaaffimmi innuttaasumut imaluunniit inummut Ruslandimi najugaqartumut kimulluunniit imaluunniit immikkoortortat Ruslandimi ingerlatsilersimasut arlaannaannulluunniit, pilersuinissaat inerteqqutigineqarpoq.
- Ruslandimi naalagaaffimmi innuttaasut imaluunniit inuit Ruslandimi najugaqartut imaluunniit immikkoortortat Ruslandimi ingerlatsilersimasut imaluunniit immikkoortortat Peqatigiit avataanniittut, taakkua pigisanut aalaakkaasunut pisinnaatitaaffiisa 50 %-ii sinnerlugit Ruslandimi naalagaaffimmi innuttaasunit imaluunniit inunnit Ruslandimi najugaqartunit pigineqarpata, inuup imaluunniit immikkoortortap sullissivimmi ataatsimi aallarniutitut akiliutissaata ataatsimut katillugu nalinga 100 000 EUR-iniit annertuneruppat, aallarniutissatut akiliutissaasa akuersaarnissaat inerteqqutigineqarpoq. Aamma Ruslandimi naalagaaffimmi innuttaasunut imaluunniit inunnut Ruslandimi najugaqartunut imaluunniit



immikkoortortanut Ruslandimi ingerlatsilersimasunut, inuup imaluunniit immikkoortortap aningaasivimmi, kontumi imaluunniit toqqorsivimmik sullissisumi ataatsimi krypto-ni pigisai nalillit 10 000 EUR-ini annertunerusimappata, krypto-ni pigisanik nalilinnik, aningaasivinnik, kontunik imaluunniit toqqorsivimmi sullissinernik pilersuinissaq aamma inertequtigineqarpoq.

- Immikkoortortami Ruslandimi ingerlatsilersimasumi, pisortanit aquneqartumi imaluunniit peqqussummut (EU) 833/2014-imut ilanngussaq XIX-imi allassimasutut 50 % sinnerlugu pisortanit pigineqartumi; imaluunniit immikkoortortami, piginnittussaataffaissa 50 %-iinit annertunerusut immikkoortortamit ilanngussaq XIX-imi allassimasumit pigineqartunik, sulisartut peqatigiiffiata avataani ingerlatsilersimasumi aningaasanik nuussinerni suniluunniit peqataanissaq inertequtigineqarpoq. Ilaatitsinnginnerit aalajangersimasut atuupput.
- Ruslandimi Centralbank-imi sillimatinik kiisalu pigisanik nalilinnik aqutsinermut atatillugu nuussinernit inertequtigineqarput.
- Pappiaqqanik nalilinnik tunineqarsinnaasunik aamma aningaasanut niuerfimmi periaatsinik 9.3.2022 kingorna Ruslandimit tassanilu naalackersuisunit, Central Bank of Russia-mit imaluunniit immikkoortortat arlaannilluunniit taanna sinnerlugu iliuuseqartunit tunniunneqarsimasunik pisinissaq, tunisinissaq, tunniussinissamut aningaasaliinernut sullissinissaq imaluunniit ikiunnissaq imaluunniit allatut niuerutiginninnissaq inertequtigineqarput. Aamma 23.2.2022 kingorna immikkoortortanut siusinnerusukkut taaneqartunut nutaanik taarsigassarsititsinissaq imaluunniit akiitsortitsinissaq pillugu aaqquissuussinermik suliaqarnissaq imaluunniit aaqquissuussinissamut ilaanissaq inertequtigineqarpoq.
- Pappiaqqanik nalilinnik tunineqarsinnaasunik aamma aningaasanut niuerfimmi periaatsinik 12.4.2022 kingorna immikkoortortamit Ruslandimi ingerlatsilersimasumit, pisortanit aquneqartumit imaluunniit peqqussummut (EU) 833/2014-imut ilanngussaq XIII-imi allassimasutut 50 % sinnerlugu pisortanit pigineqartumit, imaluunniit immikkoortortamit, pigisanut aalakkaasunut pisinnaatitaaffiisa 50 %-ii sinnerlugit immikkoortortamit ilanngussaq XIII-imi allassimasumit pigineqarlutik, Peqatigiit avataanni ingerlatsilersimasumit, tunniunneqarsimasunik pisinissaq, tunisinissaq, tunniussinissamut aningaasaliinernut sullissinissaq imaluunniit ikiunnissaq imaluunniit allatut niuerutiginninnissaq inertequtigineqarput.
- Niuerfinni pappiaqqanut nalilinnut tunineqarsinnaasunut Peqatigiinni nalunaarsorsimasuni imaluunniit akuerisaasuni inummut kimulluunniit imaluunniit immikkoortortat Ruslandimi ingerlatsilersimasut aammalu 50 % sinnerlugu pisortanit pigineqartut arlaannaannulluunniit kiffartuussinernik nalunaarsuinissaq pilersuinissarlu 12.04.2022 aallarnerfigalugu inertequtigineqarpoq.
- Pappiaqqanik nalilinnik tunineqarsinnaasunik aamma aningaasanut niuerfimmi periaatsinik 12.4.2022 kingorna kreditinstitut-imit annerusumit imaluunniit sullissivimmit allamit 26.2.2022 50 % sinnerlugu pisortanit pigineqartumit imaluunniit aquneqartumit imaluunniit peqqussummut (EU) 833/2014-imut ilanngussaq XII-imi

allassimasutut akiitsortitsinermut sullissiviit arlaannilluunniit allamit; imaluunniit immikkoortortamit pigisanut aalaakkaasunut pisinnaatitaaffiisa 50 %-ii sinnerlugit immikkoortortamit ilanngussaq XII-imi allassimasumit pigineqarlutik Peqatigiit avataanni ingerlatsilersimasumit tunniunneqarsimasunik pisinissaq, tunisinissaq, tunniussinissamut aningaasaliinernut sullissinissaq imaluunniit ikiunnissaq imaluunniit allatut niuerutiginninnissaq inerteqqutigineqarput.

- Inummut kimulluunniit imaluunniit immikkoortortat arlaannaannulluunniit peqqussummut (EU) 833/2014-imut ilanngussaq III-mi, V-mi imaluunniit VI-imi 12.9.2014 kingorna 26.2.2022 tungaanut allassimasumut; imaluunniit inummut kimulluunniit imaluunniit immikkoortortat arlaannaannulluunniit peqqussummut (EU) 833/2014-imut ilanngussaq III-mi, V-mi, VI-imi, XII-imi imaluunniit XIII-imi, 26.2.2022 kingorna allassimasunut ullut 30-t sinnerlugit akilersugassanik nutaanik taarsigassarsititsinissaq imaluunniit akiitsortitsinissaq pillugit aaqqissuussinermik suliaqarnissaq imaluunniit aaqqissuussinermut akuunissaq inerteqqutigineqarput.
- Immikkoortortat arlaanniluunniit Ruslandimi nukissiornermut suliaqaqarfimmi suliaqartumi peqataalernissaq imaluunniit peqataanerup atuutereersup annertusitinnissaa inerteqqutigineqarput. Immikkoortortat arlaanniluunniit Ruslandimi nukissiornermut suliaqaqarfimmi suliaqartumi nutaanik taarsigassarsititsinissaq imaluunniit akiitsortitsinissaq imaluunniit joint venture-mut aningaasalersuinissaq imaluunniit joint venture-mik pilersitsinissaq aamma inerteqqutigineqarput. Aningaasaliinernut kiffartuussinernik attuumassuteqartunik pilersuinissaq aamma inerteqqutigineqarpoq.
- Pappiaqqanik nalilinnik tunineqarsinnaasunik aamma aningasanut niuerfimmi periaatsinik ullut 90-it sinnerlugit akilersorneqartussanik (1.8.2014 kingorna 12.9.2014 tungaanut tunniunneqarsimasunik), imaluunniit ullut 30-t sinnerlugit akilersorneqartussanik (12.9.2014 kingorna 12.4.2022 tungaanut tunniunneqarsimasunik) imaluunniit pappiaqqanik nalilinnik tunineqarsinnaasunik aamma aningaasanut niuerfimmi periaatsinik 12.4.2022 kingorna 50 % sinnerlugu pisortanit pigineqarluni kreditinstitut-imit anginerusumit Ruslandimi ingerlatsilersimasumit tunniunneqartunik imaluunniit peqqussummut (EU) 833/2014-imut ilanngussaq III-mi allassimasutut, imaluunniit immikkoortortamit ilanngussaq III-mi allassimasutut pigisanut aalaakkaasunut pisinnaatitaaffii 50%-init annertunerusut pigineqarlutik Peqatigiit avataanni ingerlatsilersimasumit, 1.8.2014 aqunneqartumit, tunniunneqarsimasunik pisinissaq, tuniniaanissaq, aningaasaliinernik sullissinissaq imaluunniit tunniussinermut ikiunnissaq inerteqqutigineqarput.
- Ruslandimut pisortat aningaasalersuinissaat imaluunniit niuernermut aningaasaqarnikkut Ruslandimut ikiunnissaat imaluunniit aningaasaliinissaat inerteqqutigineqarpoq. Aamma suliniutinut Ruslandimi toqqaannartumik aningaasaliinernut aningaasaateqarfik peqatigalugu aningaasalersorneqartunut aningaasaliinissaq, peqataanissaq imaluunniit allatut tapersiinissaq inerteqqutigineqarput.

### **Timmisartut, mittarfiit, silaannakkut angallatit**

- Timmisartut Ruslandimi silaannakkut angallannermut ingerlatseqatigiiffinit ingerlanneqartut imaluunniit silaannakkut angallatit Ruslandimi nalunaarsorsimanngitsut inummit imaluunniit immikkoortortamit Ruslandimeersumit pigineqartut imaluunniit attartorneqartut imaluunniit allatut aqunneqartut Peqatigiit nunani akisussaaffeqarfiinit tinginissaat, nunanit akisussaaffeqarfiinit qangattarnissaat imaluunniit qulaavaanissaat inertequtigineqarput.

### **Killilersuinerit allat**

- Immikkoortortanit peqqussummut (EU) 833/2014-imut ilanngussaq XV-imi allassimasunit sunilluunniit imarisassaannik suliaqartartut nassiussinissaat imaluunniit nassiussinermik aallartitsinissaat, oqilisaanissaat imaluunniit allatut tapersiinissaat inertequtigineqarput. Aamma immikkoortortanit ilanngussaq XV-imi allassimasunit tunisassianut nittarsaassinissaq imaluunniit imarisaanni arlaanniluunniit taakkunannga tunisassiarineqartunik kiffartuussinissaq inertequtigineqarpoq.

### **Aqqusinikkut assartuineq**

- Aqqusinikkut assartuinermit suliffeqarfiit Ruslandimi ingerlatsilersimasut arlaannaataluunniit Peqatigiit iluanni aqqusinikkut nioqutissanik assartuinissaat, ilanngullugu aqusaaginnarluni, inertequtigineqarpoq.

### **Umiarsualiviit aamma umiarsuit**

- Naalagaaffiit ilaasortaasut umiarsualivimminni sapsuaminnilu Ruslandimiut umiarsuaasa pulanissaat inertequtigaat.

### **Piumasaqaatinik naammassinninnissap inertequtigineqarnera**

- Isumaqatigiisummut imaluunniit aningaasanik nuussinermut sumulluunniit, taakkua immikkoortortanit peqqussummut (EU) 833/2014-imut ilanngussani allassimasunit, imaluunniit immikkoortortanit, pigisanut aallaakkaasunut inatsisitigut pisinnaataaffiisa 50 %-iinit annertunerusut taakkunannga; inummit, immikkoortortamit imaluunniit timimit Ruslandimeersumit; imaluunniit inummit, immikkoortortamit imaluunniit oqartussamit siuliani taaneqartut arlaat aqutugalugu imaluunniit sinnerlugu iliuuseqartumit, pigineqarlutik Peqatigiit avataanni ingerlatsilersimasunit suliarineqarsimappata, naammassinissaa iliuusissat killilersuilluni iliuusissat matumaniittut naapertorlugit pisussaaffiliunneqartut ilaannit sunnerneqarsimappat, taakkununnga atatillugu piumasaqaatinik naammassinninnissaq inertequtigineqarpoq.

### **Nioqutissanut killilersuinerit**

- Nioqutissanik, peqqussummut (EU) 833/2014-imut ilanngussaq XXIII-mi allassimasut Ruslandimi suliffissuarni pisinnaasaqalersitseqataasinnaasunik, Ruslandimi inummut kimulluunniit imaluunniit immikkoortortat arlaannuluunniit

Ruslandimi atugassatut tuniniaanissaq, pilersuinissaq, nuussinissaq imaluunniit avammut annissinissaq inerteqputigineqarput. Teknikkikkut imaluunniit aningaasaqarnikkut ikiuunnerit isumaqatigiissitsiniarnernillu suliaqarnerit imaluunniit allanik kiffartuussinerit attuumassuteqartut aamma inerteqputigineqarput.

- Nioqputissanik Ruslandimi annertuunik isertitaqartitsilertussanik, soorlu kaviar, cementit aamma qisunnik tunisassiat, taamaalillunilu peqqussummut (EU) 833/2014-imut ilanngussaq XXI-mi allassimasutut Ruslandip Ukraine-mi inissisimanermik aalajaatsuititsiunnaarnissaa periarfissaqalersillugu, Ruslandimiit pisinissaq, eqqussinissaq imaluunniit nuussinissaq inerteqputigineqarput. Teknikkikkut imaluunniit aningaasaqarnikkut attuumassutilimmik ikiuunneq aamma isumaqatigiissitsiniarnermik suliaqarluni kiffartuussinerit aamma inerteqputigineqarput.

### **Silaannakkut angallanngit imaluunniit silaannarsuarmut suliffissuaqarneq**

- Nioqputissanik teknologinillu, peqqussummut (EU) 833/2014-mut ilanngussaq XI-mi allassimasutut silaannarmi angallannermut imaluunniit silaannarsuarmut suliffissuaqarnermi atugassatut naleqquttunik, kiisalu ilanngussaq XX-mi allassimasutut timmisartunut ikummatissamik ikummatissanullu akoorutissanik, Ruslandimi inummut kimulluunniit imaluunniit immikkoortortamut imaluunniit Ruslandimi atugassanik tuniniaanissaq, pilersuinissaq, nuussinissaq imaluunniit avammut annissinissaq inerteqputigineqarput. Aamma attuumassutilinnik sillimmasiinernik sillimmaseeqinnernillu aamma attuumassutilinnik aalajangersimasunik aserfallatsaaliuinerimik suliaqarnermik sunilluunniit neqerooruteqarnissaq inerteqputigineqarpoq. Teknikkikkut imaluunniit aningaasaqarnikkut ikiuunnerit isumaqatigiissitsiniarnernillu suliaqarnerit imaluunniit allanik kiffartuussinerit attuumassuteqartut aamma inerteqputigineqarput.

### **Aamarsuit allallu ikummatissat manngersut nunap iluaneersut**

- Peqqussummut (EU) 833/2014-imut ilanngussaq XXII-mi allassimasutut, aamarsuarnik allanillu ikummatissanik manngertunik nunap iluaneersunik Ruslandimiit pisinissaq, eqqussinissaq imaluunniit nuussinissaq inerteqputigineqarput. Teknikkikkut imaluunniit aningaasaqarnikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqputigineqarput.

### **Uulia akuiagaanngitsoq**

- Uuliamik akuiagaanngitsumik imaluunniit uuliamik tunisassianik, peqqussummut (EU) nr. 833/2014-imut ilanngussaq XXV-mi allassimasutut, Ruslandimiit pisinissaq, eqqussinissaq imaluunniit nuussinissaq inerteqputigineqarput. Teknikkikkut imaluunniit aningaasaqarnikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqputigineqarput. Ilaatitsinnginnerit aalajangersimasut atuupput.

## **Kuultit**

- Kuultinik peqqussummut (EU) nr. 833/2014-imut ilanngussaq XXVI-mi aamma ilanngussaq XXVII-mi allassimasutut, Ruslandimiit pisinissaq, eqqussinissaq imaluunniit nuussinissaq inerteqqutigineqarput. Teknikkikkut imaluunniit aningaasaqarnikkut ikiuunnissaq aamma isumaqatigiissitsiniarnermi kiffartuussinerit attuumassuteqartut aamma inerteqqutigineqarput. Ilaatitsinnginnerit aalajangersimasut atuupput.

## **Savimernit aamma sisaat**

- Peqqussummut (EU) 833/2014-imut ilanngussaq XVII -imi allassimasutut saviminernik sisannillu tunisassianik Ruslandimiit eqqussinissaq, pisinissaq imaluunniit nuussinissaq inerteqqutigineqarput. Teknikkikkut imaluunniit aningaasaqarnikkut ikiuunnerit aamma isumaqatigiissitsiniarluni sullissinerit attuumassuteqartut aamma inerteqqutigineqarput.

## **Nioqqutissat inuulluarniutaasut**

- Nioqqutissanik inuulluarniutinik, peqqussummut (EU) 833/2014-imut ilanngussaq XVIII-mi allassimasutut, Ruslandimi inummut kimulluunniit imaluunniit immikkoortortat arlaannaannulluunniit imaluunniit Ruslandimi atugassatut tuniniaanissaq, pilersuinissaq, nuussinissaq imaluunniit avammut annissinissaq inerteqqutigineqarput.

## **Imarsiorneq**

- Imarsiornermi umiarsuup ingerlatinnissaanut nioqqutissanik teknologiinillu, peqqussummut (EU) 833/2014-imut ilanngussaq XVI-imi allassimasutut, Ruslandimi inummut kimulluunniit imaluunniit immikkoortortat arlaannaannulluunniit, Ruslandimi atugassatut imaluunniit angallammut Ruslandip aappalaartuanik aappalaartoqartumut ikaallugu inissineqartussatut, tuniniaanissaq, pilersuinissaq, nuussinissaq imaluunniit avammut annissinissaq inerteqqutigineqarput. Teknikkikkut imaluunniit aningaasaqarnikkut ikiuunnerit isumaqatigiissitsiniarnernillu suliaqarnerit imaluunniit allanik kiffartuussinerit attuumassuteqartut aamma inerteqqutigineqarput.

## **Uuliamik akuiaanerit**

- Nioqqutissanik teknologiinillu, peqqussummut (EU) 833/2014-imut ilanngussaq X-mi allassimasutut uuliamik akuiaanermi aamma naturgassinik ussissaanermut atugassatut naleqquttunik, Ruslandimi inummut kimulluunniit imaluunniit immikkoortortat arlaannaannulluunniit imaluunniit Ruslandimi atugassatut tuniniaanissaq, pilersuinissaq, nuussinissaq imaluunniit avammut annissinissaq inerteqqutigineqarput. Teknikkikkut imaluunniit aningaasaqarnikkut ikiuunnerit isumaqatigiissitsiniarnernillu suliaqarnerit imaluunniit allanik kiffartuussinerit attuumassuteqartut aamma inerteqqutigineqarput.

### **Nioqqutissat allat**

- Nioqqutissanik imaluunniit teknologiinik, peqqussummut (EU) 833/2014-imut ilanngussaq II-mi allassimasutut, Ruslandimi inummut kimulluunniit imaluunniit immikkoortortat arlaannaannulluunniit imaluunniit Ruslandimi atugassatut tuniniaanissaq, pilersuinissaq, nuussinissaq imaluunniit avammut annissinissaq inerteqqutigineqarput. Aamma nioqqutissanik imaluunniit teknologiinik inummut kimulluunniit imaluunniit immikkoortortat arlaannaannulluunniit nukissiornermut suliassaqarfimmi suliaqartunut tuniniaanissaq, pilersuinissaq, nuussinissaq imaluunniit avammut annissinissaq inerteqqutigineqarput. Teknikkikkut imaluunniit aningaasaqarnikkut ikiuunnissaq aammalu isumaqatigiissitsiniarnermik suliaqarnissaq imaluunniit kiffartuussinissaq aamma inerteqqutigineqarput.

### **Kiffartuussinernut killilersuinerit**

- Naatsorsuutitut, kukkusersuinerit, naatsorsuutitit allattuinerit imaluunniit akileraaruserinermut siunnersuinerit kiffartuussinernik imaluunniit niuernerit ingerlatsinermut aqutsinermullu siunnersuinerit imaluunniit PR-ni kiffartuussinernik Ruslandip naalackersuisuinit imaluunniit inatsilerinermik immikkoortortanut Ruslandimi ingerlatsilersimasunut pilersuinissaq inerteqqutigineqarput.

**Ukraine-mi Donetsk-imi aamma Luhansk-imi sumiiffiit naalakkersuisunit aqunneqanngitsut aammalu sumiiffinnut taakkununga Ruslandip sakkutuuisa sakkulersorlutik isernissaannut aallaqqullugit peqqusinerup akuersarneranut qisuariaatitut killilersuilluni iliuusissat pillugit Siunnersuisooqatigiit peqqussutaat (EU) 2022/263, 23. februar 2022-meersoq**

**Aningaasaqarnikkut iliuusissat**

- Sumiiffinni nassuiarneqartuni immikkoortortami imaluunniit immikkoortortaq peqatigalugu joint ventures-inik pilersitsinissaq inerteqqutigineqarpoq.
- Nunani akisussaaffeqarfinni nassuiarneqartuni immikkoortortanut aningaasalersuinissaq inerteqqutigineqarpoq.

**Aningaasaliinerit**

- Sumiiffinni nassuiarneqartuni piginnittuunermi imaluunniit aqutsinermi piginneqataassutinik pissarsinissaq imaluunniit annertusititsinissaq aammalu allanik pappiaqqanik nalilinnik peqataanertut isikkoqartut inerteqqutigineqarput.
- Sumiiffinni allassimasuni pigisanik aalaakkaasunik piginnittuunermi peqataalernissaq imaluunniit peqataanermik annertusititsinissaq inerteqqutigineqarput.

**Nioqqutissanut killilersuinerit**

- Sumiiffinni nassuiarneqartuninngaaneersunik nioqqutissanik EU-mut eqqussinissaq aammalu toqqaannartumik imaluunniit toqqaannangitsumik aningaasalersuinissaq imaluunniit aningaasalersuinikkut tapersiinissaq kiisalu eqqussinermut taamaattumut atatillugu sillimmasiinissaq sillimmaseeqqinnissarlu inerteqqutigineqarput.
- Nioqqutissanik teknologinillu Siunnersuisooqatigiit peqqussutaannut (EU) 2022/263-mut ilanngussaq II-mi allassimasunik sumiiffinni nassuiarneqartuni immikkoortortanut avammut annissinissaq inerteqqutigineqarpoq. Teknikkikkut, isumaqatigiissitsiniarnermik suliaqarnissaq aamma aningaasaqarnikkut ikiuunnissaq imaluunniit ilinniartitsinissaq allatigullu kiffartuussinissaq attuumassuteqartut aamma inerteqqutigineqarput.

**Kiffartuussinernut killilersuinerit**

- Sumiiffinni nassuiarneqartuni (1) assartuinnermut; (2) naalunaarasuartaatitigut attaveqatigiinnermut; (3) nukissiuteqarnermut aamma (4) misissuinnermut, uuliasiorluni, gassisiorluni aatsitassanillu isumalluutinik misissuinnermut tunisassiornermullu, suliaasaqarfinni attaveqaasersuutinut toqqaannartumik attuumassuteqartunut teknikkikkut ikiuunnissaq, isumaqatigiissitsiniarnermik, sanaartornissamut imaluunniit ingeniøritut kiffartuussinissat inerteqqutigineqarput.

- Nunani akisussaaffeqarfinni nassuiarneqartuni takornariartitsinermi ingerlatassanut toqqaannartumik attuumassuteqartunut kiffartuussinernik pilersuinissaq inerteqqutigineqarpoq.



**Krim-ip aamma Sevastopol-ip inatsisinik unioqqutitsilluni tiguarneqarnerannut qisuariaatitut killilersuilluni iliuusissat pillugit Siunnersuisooqatigiit peqqussutaat (EU) nr. 692/2014, 23. juni 2014-imeersoq**

**Aningaasaqarnikkut iliuusissat**

- Krim-imi imaluunniit Sevastopol-imi immikkoortortat peqatigalugit joint ventures-inik pilersitsinissaq inerteqqutigineqarpoq.
- Krim-imi imaluunniit Sevastopol-imi immikkoortortanut aningaasalersuinissaq inerteqqutigineqarpoq.

**Aningaasaliinerit**

- Krim-imi imaluunniit Sevastopol-imi pigisani aalaakkaasuni aamma immikkoortortani peqataalernissaq imaluunniit peqataanermik annertusititsinissaq inerteqqutigineqarput.
- Krim-imi imaluunniit Sevastopol-imi immikkoortortani peqataalernissaq imaluunniit peqataanermik annertusititsinissaq allallu pappiaqqanik nalilinnik peqataanertut isikkullit inerteqqutigineqarput.

**Nioqqutissanut killilersuinerit**

- Nioqqutissanik Krim-imeersunik imaluunniit Sevastopol-imeersunik EU-mut eqquassinissaq aammalu eqquassinernut taamaattunut atatillugu toqqaannartumik imaluunniit toqqaannangitsumik aningaasalersuinissaq imaluunniit aningaasalersuinerimut ikiunnissaq inerteqqutigineqarput.
- Nioqqutissanik teknologinillu Siunnersuisooqatigiit peqqussutaannut 692/2014-imut ilanngussaq II-mi allassimasunik Krim-imi imaluunniit Sevastopol-imi immikkoortortanut avammut anissinissaq inerteqqutigineqarpoq. Teknikkikkut aningaasaqarnikkullu ikiunneq imaluunniit sungiusaneq allatigullu kiffartuussineq attuumassuteqartoq aamma inerteqqutigineqarpoq.

**Kiffartuussinernut killilersuinerit**

- Krim-imi imaluunniit Sevastopol-imi (1) assartuinerimut; (2) naalunaarasuartaatitigut attaveqatigiinnerimut; (3) nukissiuuteqarnerimut; aamma (4) misissuinerimut, uuliasiorluni, gassisiorluni aatsitassanillu isumalluutinik misissuinerimut tunisassiornermullu, suliassaqarfinni attaveqaasersuutinut toqqaannartumik attuumassuteqartunut teknikkikkut ikiunnissaq, isumaqatigiissitsiniarnermik, sanaartornissamut imaluunniit ingeniøritut kiffartuussinissat inerteqqutigineqarput.
- Krim-imi imaluunniit Sevastopol-imi takornariartitsinermik suliaqarnerimut toqqaannartumik attuumassutilimmik kiffartuussinernik pilersuinissaq inerteqqutigineqarpoq. Pingaartumik umiarsuit, umiarsuarmik takornariartaammik kiffartuussinernik pilersuisut, arlaannaataluunniit aqqusaarnissaat imaluunniit umiarsualiviit Krim-ip qeqertaasaani inissisimasut, Siunnersuisooqatigiit

peqqussutaannut (EU) nr. 692/2014-imut ilanngussaq III-mi allassimasut,  
arlaannaannulluunniit aqqusaarnissaat, inerteqqutigineqarpoq.

**Suliniuteqarnernut Ukraine-p nunamut akisussaaffeqarfiata  
innarligassaanginneranik, namminersortuuneranik arlaannaannullu  
attuumassuteqannginneranik sanngiillisitsisunut imaluunniit soorasaariviusunut  
killilersuilluni iliuusissat pillugit Siunnersuisooqatigiit peqqussutaat (EU) nr. 269/2014,  
17. marts 2014-imeersoq**

**Pigisanik nalilinnik tiguisinnaajunnaarsitsineq aamma aningaasanik atugassiinissap  
inerteqqutigineqarnera**

- Pigisat nalillit tamarmik inunnut immikkoortortanullu allassimasunut tiguisiffigeqqusaajunnaarsinneqartariaqarput. Aamma aningaasanik imaluunniit pigisanik nalilinnik toqqaannartumik imaluunniit toqqaannanngitsumik taakkununga atugassiinissaq inerteqqutaavoq.

**Isernissamut killilersuinerit**

- Naalagaaffiit ilaasortaasut inunnut Siunnersuisooqatigiit aalajangiinerannut 2014/145/FUSP -imut ilanngussami allassimasunut angalanissamut killilersuinerit atuutsissavaat.

**Ukraine-mi pissutsit tunngavigalugit inunnut, immikkoortortanut sullissivinnullu aalajangersimasunut killilersuilluni iliuusissat pillugit Siunnersuisooqatigiit peqqussutaat (EU) nr. 208/2014, 5. marts 2014-imeersoq**

**Pigisanik nalilinnik tiguisinnaajunnaarsitsineq aamma aningaasanik atugassiinissap inerteqqutigineqarnera**

- Pigisat nalillit tamarmik inunnut immikkoortortanullu allassimasunut tiguisiffigeqqusaajunnaarsinneqartariaqarput. Aamma aningaasanik imaluunniit pigisanik nalilinnik toqqaannartumik imaluunniit toqqaannangitsumik taakkununga atugassiinissaq inerteqqutaavoq.